

Uunga siunnersuut: Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaat nr. xx, xx xxx 2017-imeersoq

Kapitali 1

Atuuffia nassuiaatillu

§ 1. Inatsisartut inatsisaat immakkut angallatinut angallatikunullu umiarsualivinniittunut, aammalu inuussutissarsiornermi nassiussanik sullissivittut, inunnit aalisakkanilluunniit tulaassivittut atorpeqartartunut atuuppoq.

§ 2. Inatsisartut inatsisaat manna umiarsualivinnut nunami atortulersuutitalinnut makkununnga atuutinngilaq:

- 1) Sakkutuut Kalaallit Nunaanni suliaqarnerannut atatillugu taamaallaat Naalagaaffimmit atorpeqartunut.
- 2) Aatsitassat pillugit inatsit naapertorlugu aatsitassanik misissueqqaarnissamut, ujarlersinnaanermut atuisinnaanermullu akuersissutinut ilaasunut.
- 3) Nunami orsussaarniarfinni illoqarfinnik nunaqarfinnillu pilersuinermit ilaasuni uulianik ikummatissanillu nuussisarnermut naatsorsuussanut atorpeqartartunulluunniit.
- 4) Pituffimmi illersornissaqarfiup iluani inissisimasunut.

§ 3. Inatsisartut inatsisaat manna umiarsualivinnut nunami atortulersuutitalinnut sunngiffimmi siunertanut atorpeqartartunut atuutinngilaq.

Imm. 2. Umiarsualivik atortulersuutit ilanngullugit inuussutissarsiornermi nassiussanik sullissivittut, inunnit imaluunniit aalisakkanik tulaassisarnermut atorpeqartarpat tassungalu peqatigitillugu sunngiffimmi siunertanut atorpeqartarpat, atuneq tamarmiusoq § 1-ip ataaniiittutut isigineqassaaq.

§ 4. Inatsimmi matumani makku imatut paasineqassapput:

- 1) Immakkut angallatit: Immakkut angallatit suulluunniit, taakkununnga ilanngullugit timmeralaat sisorataasallit (hydrofoilbådit), qaatsiartaatit, aqqartartut, prammit, umiatsiaaqqat, angallatit puttasut aamma sulliviit puttasut.
- 2) Angallatikut: Immakkut angallatit usigisaaluunniit navianartorsiortut annaaneqariaannaallu pillugit sunniutilimmik ikiunissamik qanoq iliornissamik piareersaasoqarsimatinnagu, immakkut angallatit kivisimasut tippussaasimasulluunniit, umiatsiat kivisimasut tippussaasimasulluunniit ilaat suulluunniit, taakkununnga ilanngullugit tissarlukut immakkut angallammiittut angallammiissimasulluunniit, pequtit immakkut angallatinit katanneqartut, sissarlukut, kivisimasut tissukartulluunniit.
- 3) Umiarsualiviit: Talittarfiit talittarfiallu allat, nunami atortulersuutit umiarsualiviillu eqqaanni imaq ilanngullugu, taamaalilluni taaguut, umiarsualiviit pillugit Inatsisartut inatsisaat naapertorlugu umiarsualiviit pillugit Inatsisartut inatsisaanni imaluunniit maligassani qaqugukkulluunniit atuuttuni nassuiaasernera atorlugu nassuiarneqarluni.

4) Umiarsualivinni Oqartussat: Naalakkersuisut imaluunniit kommunalbestyrelsi imaluunniit Naalakkersuisut imaluunniit kommunalbestyrelsip sumiiffimmi umiarsualivimmi Oqartussatut umiarsualiviit pillugit Inatsisartut inatsisaat qaqugukkulluunniit atuuttoq naapertorlugu sumiiffinni umiarsualivinni oqartussatut suliakkerikuusaat imaluunniit umiarsualivinnik nunami atortussiat ilanngullugit sanaartornissamik, allilerinissamik, allannqortiterinissamik, atorneqarnerannik allannqortitsinissamik akuersissummik pigisaqartoq.

Kapitali 2

Peerneqartarnera nalunaaqutsiisarnerlu

§ 5. Umiarsualivinni Oqartussat umiarsualiviit tikiqqarsinnaanerit, ernumanngitsumik angallannissaq, allatut atuinissaq aqutsinissarlunniit eqqarsaatigalugit, tamanna nalinginnaasumik immakktut angallanneq imaluunniit pisariaqartumik immikkorluinnaq pisoqarallarneq ilanngunnagit, immakktut angallatip angallatikulluunniit peerneqarnissaannik naleqquttumik piffissaqartitsillutik immakktut angallatit angallatikulluunniit umiarsuavilimmiittut pillugit akisussaasoq peqqusinnaavaat. Umiarsualivinni Oqartussat assinginik piomasaaqateqarlutik tissarlukut pequtilluunniit, tak. § 4, nr. 2, umiarsualivimmiittinneqartut peerneqarnissaannik peqqusinnaapput.

Imm. 2. Immakktut angallammut angallatikumulluunniit akisussaasuusooq taassumaluunniit sumiinnera Umiarsualivinni Oqartussat ilisimannqippassuk, sivikinnerpaamik qaammatinik pingasunik sioqqutsilluni nuna tamakkerlugu aviisitigut inuttassarsiuinikkut aamma immakktut angallammi angallatikumiluunniit allagarsiinikkut nalunaaruteqartoqarsinnaappat peqqusisoqarsinnaavoq.

Imm. 3. Immakktut angallatip taassumaluunniit ilaata umiunissaa annertuumik ulorianaateqarpat, imaluunniit imaani isumannaallisaanermut umiarsualiviulluunniit atorneqarneranut nalinginnaasumut annertuumik ajoqutaappat, Umiarsualivimmi Oqartussaasut siuumoortumik peqqusinertaqannqitsumik akisussaasuusullu akiligaanik immakktut angallat angallatikorluunniit peertissinnaavaat.

Imm. 4. Imm. 3 naapertorlugu aalajangiineq ajornartinnagu iliuuseqarnerup naammassi-neqarneranut peqatigitillugu oqaasiinnaat atorlugit akisussaasuusumut nalunaarutigineqartas-saaq, taassumalu imm. 1-2-p saneqqunneqarneranut tunngavilersuummik imaqqassaaq. Tamanna kingorna akisussaasuusooq aalajangiineq imm. 1-2-mik saneqqutsinissamut tunngavilersuutitaqartinneqartoq pillugu allakkatigut nalunaarfigineqarnissamik piomasaaqarsinnaavoq. Tamanna pillugu piomasaaqat angallatip imm. 3 naapertorlugu peerneqarnissaa ullunik 14-inik sioqqullugu Umiarsualivimmi Oqartussanut saqqummiunneqassaaq.

Imm. 5. Immakktut angallammut angallatikumulluunniit akisussaasuusooq taassumaluunniit sumiinnera Umiarsualivinni Oqartussat ilisimannqippassuk, sivikinnerpaamik qaammatinik pingasunik sioqqutsilluni nuna tamakkerlugu aviisitigut imaluunniit immakktut angallammi angallatikumiluunniit allagarsiinikkut nalunaaruteqarnikkut peqqusisoqarsinnaavoq.

§ 6. Umiarsualivinni Oqartussat akisussaasup akiligasaanik immakut angallat angallatikorluunniit isumagisinnaavaa:

- 1) immakut angallat angallatikorluunniit isumagisinnaavaat,
- 2) immakut angallat angallatikorluunniit umiarsualivimmut assigisaanulluunniit inississinnaavaat,
- 3) immakut angallammi angallatikumiluunniit silataanilu pisariaqartumik nalunaaqtsiisinnaapput,
- 4) isumannaatsumik immakut angalasarneq isumannaatsuutinniarlugu, angallatip isumannaatsuunissaa avatangiisinillu ajoqusiinnginnissaq qulakkeerniarlugit immakut angallat angallatikorluunniit pisariaqartunik atortulersinnaallugu il.il.

§ 7. Umiarsualivinni Oqartussat immakut angallatip angallatikulluunniit § 5, imm. 1 aamma 3 aamma § 6. malillugit peerneqartut inissiivissaasa qulakkeernissaa pisussaaffigaat.

Kapitali 3

Peerneqartarnerat nalunaaruteqartarnerlu

§ 8. Naliliisarteq sumulluunniit attuumassuteqanngitsoq nalunaaruteqarput, immakut angallat angallatikulluunniit naleqanngitsut imaluunniit nalingi tunisinermi aningaasartuutissatut missingerneqartut qulaakkaat, Umiarsualivinni Oqartussat immakut angallat usingi orsussaalu imaluunniit angallatikoq akisussaasup akiligasaanik peersissinnaavaat.

Nalunaartarneq

§ 9. Umiarsualivinni Oqartussat immakut angallatip angallatikulluunniit peeraangamikkit, tak. § 8, akisussaasoq piginnittussaataitasutullu ilisimaneqartut tamaasa, immakut angallatip angallatikulluunniit peerneqarnerani piginnaatitaaffeqartut pisussaaffeqartulluunniit kalluarneqartussatut ilimagineqartut eqqarsaatigalugit peerneqarnissaanik eqqarsaateqarneq pillugu allaganngorlugu nalunaarfigissavaat.

Imm. 2. Immakut angallammut angallatikumulluunniit akisussaasuusoq taassumaluunniit sumiinnera Umiarsualivinni Oqartussat ilisimangippassuk, sivikinnerpaamik qaammatinik pingasunik sioqqutsilluni nuna tamakkerlugu aviisitigut inuttassarsiuinikkut aamma immakut angallammi angallatikumiluunniit allagarsiinikkut nalunaaruteqartoqarsinnaappat peqqusisoqarsinnaavoq.

Imm. 3. Immakut angallatip angallatikulluunniit peerneqarnissaanik aalajangiinerup Kalaallit Nunaanni Eqqartuussivimmut suliassanngortinneqarnissaanut piffissarititaq naatinnagu pisinnaanngilaq, tak. § 12, imm. 2.

Kapitali 4

Pinngitsaaliissummik tunisineq

§ 10. Immakkt angallammut angallatikumulluunniit akisussaasup immakkt angallat peqqusinermi piffissarititatu aalajangerneqartup iluani piinngippagu, tak. § 5, Umiarsualivinni Oqartussat immakkt angallatip, taassuma usii orsussaalu imaluunniit angallatikup tamanut ammasumik kaattaassinikkut akisussaasullu akiligassaanik pinngitsaaliissummik tuniniinnarneqarnissaanik aalajangiisinnaapput.

Imm. 2. Akisussaasup taassumaluunniit sumiinnera Umiarsualivinni Akisussaasut ilimagippassuk, Umiarsualivinni Akisussaasut immakkt angallat angallatikorluunniit pillugu nuna tamakkerlugu aviisini qaammatinik pingasunik piffissaqartitsillutik inuttassarsiuereernikkut, immakkt angallatip, taassuma usii orsussaalu angallatikorluunniit akisussaasup akiligassaanik tamanut ammasumik kaattaassinikkut pinngitsaaliissummik tuniniarneqarnissaanik aalajangiisinnaapput.

Imm. 3. Umiarsualivinni Akisussaasut aalajangiineri, tak. imm. 1 aamma 2, eqqartuussisarneq pillugu inatsimmi pinngitsaaliissummik tunisisarnermut aalajangersakkat naapertorlugit piviusunnngortinneqarsinnaapput.

Kapitali 5

Naammagittaalliortarneq pineqatissiinerillu

§ 11. Inatsisartut inatsisaat naapertorlugu aalajangiinerit Naalakkersuisunut naammagittaalliutigineqarsinnaapput.

Imm. 2. Imm. 1 tunngavigalugu naammagittaalliorsinnaatitaasut tassaapput pineqartut aalajangiinermit pisussaaffiligaasut imaluunniit aalajangiineri namminneerlutik allatigut soqutigisaqavissut.

Imm. 3. Naammagittaalliornissamut imaluunniit nuna tamakkerlugu aviisitigut inuttassarsiuussinissamut piffissarititaasoq tassaavoq aalajangiinerup naammagittaalliutigineqartup tigungera kingorna sapaatit akunneri sisamat.

§ 12. Inatsisartut inatsisaat naapertorlugu Naalakkersuisut aalajangiineri Kalaallit Nunaanni Eqqartuussivimmut suliarinnittussat siullertut suliassannngortinneqarsinnaapput.

Imm. 2. Kalaallit Nunaanni Eqqartuussivimmut aalajangiinerinik apuussinissaq, aalajangiinerup kingorna kingusinnerpaamik sapaatit akunnerisa sisamat qaangiunneranni pissaaq.

§ 13. § 5, imm. 1 aamma 2-mi peqqusummik unioqquitsinerit Kalaallit Nunaanni Pinerluttulerineq pillugu Inatsimmi malittarisassat naapertorlugit pineqaatissiinerinik akiliisitsinikkut kinguneqartinneqarsinnaapput.

Imm. 2. Inatsisartut inatsisaat imaluunniit malitassat Inatsisartut inatsisaat malillugu aalajangersarneqartut akileeqqusissummik aalajangiinissamik pisinnaatitsippata, inatsisitigut pisussaataasooq Kalaallit Nunaanni Pinerluttulerinermut inatsimmi malittarisassat malillugit akiliisinneqarsinnaavoq.

Imm. 3. Imm. 1 aamma 2 malillugit suliat Kalaallit Nunaanni Eqqartuussivimmut suliaqartussatut siullertut suliakkiutigineqassapput.

Imm. 4. Akiliisitsissutit imm. 1-2 malillugit pineqaatissiissutigineqartut Nunatta Karsianut pisassanngortinneqassapput.

Kapitel 6

Atuutilersitsineq

§ 14. Inatsisartut inatsisaat ulloq 1. januar 2018 atuutilersinneqarpoq.

Imm. 2. Tassunga peqatigitillugu umiarsualivinni malittarisassaqaqtitsineq pillugu Namminersornerullutik Oqartussat nalunaarutaanni nr. 1, 4. januar 2000-imeersumi § 17 atorunnaarsinneqarpoq.

Imm. 3. Umiarsualivinni malittarisassaqaqtitsineq pillugu Namminersornerullutik Oqartussat nalunaarutaanni nr. 1, 4. januar 2000-imeersumi malittarisassat allat Inatsisartut inatsisaanni tassani allaniluunniit malittarisassat aalajangersakkat taarserneqarnissaasa atorunaarsinneqarnissaasaluunniit tungaanut atuutiinnassapput.

Namminersorlutik Oqartussat, ulloq xx xxx 2017

Kim Kielsen